

“Feihyiz Hagdangz” Haeuj Ndawhag Dayoz

“非遗学堂”进大学校园

4 nyied 19 hauh, Gvangjsih Minzcuz Dayoz “feihyiz hagdangz” geiz daih—ngeih—sam nyied sam Bouxcuengh ciendaez gyangjco youq Gvangjsih Minzcuz Dayoz laeuzhung dohmeizdij gyausiz banh. Baez gyangjco neix iucingj Gvangjsih Cangyozvei fuveicangj Liu Mingzginh gyausou, Gvangjsih Swfhfan Yozyen Vangz Gveiciuh gyausou, Gvangjsih Minzcuz Dayoz Luz Siujginz gyausou, Gvangjsih Bouxcuengh Swcigih Bozvuzgvanj gvanjcanj Vuz Veijfungh daeuj hwnjdangz.

Gwnz dangz, Vangz Gveiciuh gyausou gaisau gij hamzeiq vwnzva cietsangsw caeuq sam nyied sam, doenggvaq faensik fungsug vwnzva yinxok gij bienqvaq ngoenzciet sam nyied sam, gangigej gij

conzdungj vwnzva sam nyied sam. Liu Mingzginh gyausou ciuq hwngfat caeuq swnjcienz Bouxcuengh conzdungj vwnzva ceijok geij aen vwndiz: It dwg roxdingh gyoengqvunz rox caeuq gvaq ngoenzciet Bouxcuengh, ngeih dwg caenh’ itbouh siujsim baujhoh feihvuzviz vwnzva yizcanj, baexmienx haeuj gonq guh cawj.

Youq seiz yienhciengz doxyau, boux hagseng Cungguk saujsu minzcuz yijyen z vwnzyoz ciennieb, ciuq baenzlawz dajcaux ndei sam nyied sam Bouxcuengh cam lauxsae hwnjdangz haenx mbangj vwndiz. Baez gyangjcoz neix doiq hagseng aen hagdangz neix caenh’ itbouh gyagiengz feihvuzciz vwnzva yizcanj baujhoh yisiz miz cijdauj yi yi youqgaenj.

(Liengz Funghgwz/梁峰阁)



▲Hagseng yiengq lauxsae hwnjdangz haenx cam vwndiz.



▲Mehmbwk Yauzcuz cingq guh Yauzsiuq.

Hocouh Yauzsiuq Byaij-
hwnj Daizheiq Sei qgyaiq

贺州瑶绣登上世界舞台

Mboengqneix, daj Guengjsae Hocouh Si song aen “Yauzcuz deuqva dajsiuq swnjcienz gihdi”——Fuconh Yauzcuz Swciyen caeuq Bazbugih Budouz Cin Mbanjyauz Vangzsiz cien z daeuj siusik ndei: Huq “Yauzsiuq” 467 gienh buek daih’ it gyoengqde ndaej Lenz—hozgoz Gaih faz Givasuj doigawj caemhcai q dinghcawx yungh guh dajcang fungmienh bonjbitgeiq, hawj Lenzhozgoz Cungguk Daibyaucju guh doxgaiq banhgoeng, lij baenz gij laex Lenzhozgoz soengq hawj bouxguen gak guk.

Ciuq cam rox, Hocouh dwg guk raeuz Yauzcuz diegcomzyouq ndawde dieg ndeu, daengx si miz aen Yauzcuz swciyen ndeu, 5 aen Yauzcuz yangh, 179 aen mbanj Yauzcuz, 25 fanh boux Yauzcuz. Yauzcuz deuqva dajsiuq itbuen heuh “siuq haj saek”, dwg gij dinfwngz conzdungj Yauzcuz, gaenq miz 1900 lai bi lizsij. Bi 2011 “Yauzsiuq” ndaej senj haeuj buek daihsam guekgya gaep feihvuzciz vwnzva yizcanj mingzloeg.

(Vangz Swngcen z/黄盛全 Cau Denhvaz/赵天华)

Fwenliuz Haprwenz Danq Aencingz Dangj

嘹歌基地放异彩 载歌载舞颂党恩

4 nyied 21 hauh (liggaeuq ndwensam cibhaj), Bingzgoj Yen Canglez Cunh Yehhih Fwenliuz Swnjcienz Gihdi, vunz lai vunz daih, nauhyied raixcaix. Ngoenzhaenx dwg ci et fwen Bouxcuengh conzdungj Yehhih moix bi gvaq baez haenx, dangdieg vunz lai faenfaen daeuj hawfwen, daeuj raen fwenyoux, canghfwen Denzdungh Yen、Lungzanh Yen、Namzningz Si daengj henzgyawj roxnaeuz dieggvae hix daeuj camgya doiq fwen, hwnjdaiz camgya doxdax. Youq fwenliuz doxdax seiz, daihbouhfaenh gohswz cungj dwg danqhaenh dangj raeuz yinghmingz lingjdauj、fouqminz cwngcwz、cinghseuq lajmbanj daengj, hingz sik lai cungj, vunz lai haengj dingq gya ez yawj.

Baez ci et fwen neix gungh miz 38 aen doih, gij cezmu z gofoux camgya doxdax haenx ndei yawj dahraix, soengq ciengz vwnzva hoihhoengh ndeu daeuj hawj lajmbanj vunz lai.

(Vangz Cunghhih/黄忠熙)



▲Hwnjdaiz doxdax fwenliuz.

Dasinh: Swnjcienz Minzcuz Conzdungj Vwnzva Daj Iq Hag

大新：传承民族文化从娃娃抓起

4 nyied 20 hauh, youq Dasinh Yen Yenciz Gihgvanh Youwzyenz, gyoengq lwgnyez hagsib caij maxfaex. Bineix daeuj, aen yienh neix daj youwzyenz daengz cungh siuj hagdangz cungj hailaeb miz dangzgoq caij maxfaex、fouxsaux daengj Bouxcuengh conzdungj vwnzva hozdung gocwngz, hawj minzcuz conzdungj vwnzva caen ndaej swnjcienz, riuzcienz daengz daihlaeng.

(Cinz Civanj/覃志婉)



▲Lwgnyez hag caij maxfaex.



◀Bohranz caeuq lwgnyez itheij diuq fouxsaux.